

OCTODVRVM Antonino ibid. vulgò *Marrenach*. *Theodorus* huius Episcopus nominatur in Concilio Aquileiensi sub Damaso.

SEDVNUM Valesiorum ciuitas ad Rhodanum in Alpibus, vulgò *Syon*, vel *Sitten en Valéz*, in quam sedes Episcopalis ex Octoduro translata est, post annum quingentesimum quinquagesimum secundum. *Rufus* Octodurensis Episcopus subscripsit Concilio Aurelianiensi quinto, & *Heliodorus* Sedunensis Matisconensi secundo.

PROVINCIA TREVIRENSIS, IN BELGICA PRIMA.

AVGVSTA TRIVERORVM Ptol. lib. 2. cap. 9. vulgò *Trier*, & Gallis *Treues*: Galliæ Metropolis dicitur apud Theodoretum lib. 2. hist. Eccles. cap. 15. qui *Paulinum* eius Episcopum nominat, & Sozomenus *Maximum* seu *Maximinum* libro 3, hist. Eccles. cap. 10. *Agræcius* huius etiam Episcopus subscripsit Concilio Arelatensi primo.

MEDIOMATRICVM Ammiano Marcellino libro 15. vulgò *Metz*: *Victor* huius Episcopus interfuit Concilio Agrippinensi, & *Hesperius* Aruernensi.

TVLLVM Ptol. lib. 2. cap. 9. vulgò *Toul*. *Alodius* huius Episcopus subscripsit Concilio Aurelianiensi quinto.

VERODVNVM Anton. in Itiner. vulgò *Verdun*. *Sanctinus* huius Episcopus interfuit Concilio Agrippinensi, & *Desideratus* Aruernensi.

IN GERMANICA PRIMA.

MOGVNTIACVM, Mocontiacum Ptol. lib. 2. c. 9. *Mayence* Gallis dicitur, Incolis *Mentz*. *Martinus* huius Episcopus interfuit Concilio Agrippinensi.

ARGENTORATVM Ptol. ibid. Gallis *Strasbourg*, Incolis *Strasburg*. *Amandus* huius Episcopus interfuit eidem Concilio.

SPIRA NEMETVM Ptol. ibid. vulgò *Speyr*, Gallis *Spire*. *Iesses* huius Episcopus adfuit eidem Concilio.

WORMACIA VANGIONVM Ammiano Marcellino libro 15. vulgò *Worms*, Gallis *Vormes*. *Victor* huius Episcopus interfuit eidem Concilio.

IN GERMANICA SECVNDA.

AGRIPPINA, Ptol. lib. 2. cap. 9. vulgò *Cöln*, Gallis *Cologne*. *Maternus* huius Episcopus subscripsit Concilio Arelatensi primo, & *Euphratas* eiusdem Episcopus in Concilio Agrippinensi exauctoratus est.

CIVITAS TVNGRORVM dictæ Notitiæ, vulgò Incolis *Tongeren*, Gallis *Tongres*. *Servatius* huius Episcopus adfuit Concilio Agrippinensi, transtulitque sedem Episcopalem è Tungris ad Trajectum Mosæ, ubi sederunt post eum Episcopi Tungrenses, qui primum nomen retinuerunt: unde *Domitianus* adhuc dicitur Episcopus Ecclesiæ Tungrensis in subscriptio-